

續資治通鑑長編拾補

續資治通鑑長編拾補卷二十

徽宗

崇甯元年七月

宋十朝綱要  
是月甲申朔

乙酉臣僚上言準尙書省

劄子三省同奉聖旨昨日遣裁削責降元祐人數內輕

重失當或漏落之人令御史諫職彈劾以聞餘依詔旨

施行除先次彈劾外緣本局文字散漫難以檢會犯由

比較輕重及指定裁削的確人數伏望特賜睿旨下所

屬契勘施行又臣僚上言內一項其餘人爲元祐送吏

部罷職或監當者今或爲監司或爲要郡其逐一考驗

未詳乞令所屬檢尋元犯一例詳酌施行庶無漏落又

臣僚上言近準尙書省劄子三省同奉聖旨昨日遣裁

削責降元祐人數內有輕重失當或漏落之人仍令御

一

史諫職彈劾以聞餘依詔旨施行者臣自奉聖旨雖已旋具所見奏劾外緣諫省文案不具難於檢尋或恐漏落雖加採訪亦恐不真臣竊謂元祐黨人其植根固其流波漫今使言者一一彈劾不惟重煩兼慮遺落有過之人則干陛下大公之誅有所未均臣伏望聖慈詳酌更賜指揮下所屬檢會元祐責降人除今來見行遣外有漏落及輕重失當之人令詳具聞奏施行檢會崇甯元年五月二十一日三省同奉聖旨應元祐初元符末今來責降人令三省籍記姓名不得與在京差遣除韓忠彥曾任宰臣安燾係前執政官王覲豐稷見任侍從官外自蘇轍至裴彥臣五十七名原注姓名見五月乙亥三省同奉聖旨並依崇甯元年五月二十一日指揮籍記姓名

曾肇陸佃王觀豐稷王古李格非謝文瓘鄒浩

籍記姓名者以下九人則不復籍記十朝綱要云辛亥

證知和州曾肇等八人依五月乙亥詔並籍記姓名可

備要云七月乙酉和州曾肇罷右丞陸佃知海州王觀

知常州豐稷知和州王古宮觀李格非籍知海州謝文瓘

永州安置鄒浩八人並依五月乙亥詔籍記文較綱要

尤詳蓋用李氏魯君貺劉昱徐常呂仲甫朱光裔馬琮

劉當時謝良佐陳彥默己上更不籍記姓名此據祐聖

故事紀事本末卷百二十一原注所錄在洞真宮後已

月初問蔡京三年六月二日所書黨籍猶有朱光

裔姓名此九人內除光裔一入累懸崇寧元年九月十

七日陸佃編入黨籍當在七月初入籍記者也

注所言自曾肇至鄒浩八人紀事本末連書諸人姓名

以少別白又李注籍記籍九人內除朱光裔一人籍

謂是年五月三省籍記籍九人內除朱光裔一人籍

光辛丑及三月六月甲辰所書黨籍皆無韓跋等二年九

韓跋矣李注亦知其一不知其二也

續資治通鑑長編拾補

卷二十一

二

戊子中大夫尚書左丞蔡京爲通議大夫尚書右僕射

兼中書侍郎制詞畧曰慨念熙甯之盛際闢開指撥之

宏基弛役休農尊經造士明親疎之制定郊廟之儀修

義和之利聯比閭之政國馬蕃乎汧渭洛舟尾乎江淮

周卿屬闕原以阜民禹迹播河而入海經綸有序盛德無

邊而曲士陋儒罔知本末強原宗黨相與變更凡情狃

於尋常美意從而蠱壞賴遺俗故家之未遠有孝思公

議之尚存慎厥終政在今日翰林學士張商英所草也

紀事本末卷百三十一（案）宋史本傳云蔡京拜相商英

雅與之善適當制過爲衰美宋編年通鑑云蔡京自尚

書左丞起拜右僕射賜京坐延和殿上曰昔神宗創法

立制中道未究先帝繼之而兩遭儻惟變更朕欲上述

父兄之志今朕相卿其將何以教之是時四方承平帑

碩盈溢京倡爲豐亨豫大之說視官爵財物如糞土累

朝所儲大抵掃地矣上嘗出玉璫玉卮以示輔臣曰朕

此器久已就深懼人言故未用爾京曰事苟當於理多

言不足畏也陛下當享太平之奉區區玉器何足道哉

己丑詔元祐詳定編敕令式並行毀棄

續長編卷四百七並注案宋編

年通鑑云七月焚元祐法卽指此也宋史本紀係之己丑續長編注云七月十日蓋六字之誤七月甲申朔

初六己丑初十則癸巳矣十朝網要係之己酉爲二十六日

甲午詔曰朕聞治天下者以立政訓迪爲先篤孝思者以繼志述事爲急蓋制而用之存乎法推而行之存乎人雖夷夏乂安黎民樂業而法難一定事貴變通損益之間理宜稽考况宗室蕃衍而無官者尙眾吏員冗濫而注擬者甚艱蓄積不厚於里閭商旅未通於道路廉恥蓋寡奔競實繁風俗澆漓薦舉私弊鹽澤未復賦調未平浮費猶多賢鄙難辨歲稍饑饉民輒流離然制之必有原行之必有序施設必有方舉措必有術是故俊

彥不可以不旁求法度不可以不修講宜如熙甯置條  
例司體例於都省置講議司差宰臣蔡京提舉遴簡乃  
僚共議因革庶臻至治以廣貽謀紀事本末卷百三十  
置講議司命蔡京提舉注云自曾布罷免而相位闕者  
論月時知樞密院蔣之奇門下侍郎許將皆應次補而  
乃驟用蔡京天下  
之亂始於此矣

戊申

案續長編卷三百二十二又四百五十論佩魚事注云崇甯元年七月二十五日當并攷今文已佚

二十五日戊申

庚戌臣僚上言朝散郎管勾明道宮張耒在潁州聞蘇  
軾身亡出已俸於薦福禪院爲軾飯僧縞素而哭詔張  
耒責授房州別駕黃州安置紀事本末卷百二十一案  
云張文潛崇甯元年復直龍圖閣知潁州謝表云我來  
自東海兢兢而陳列欬未及熟又挈挈以舌行臣僚上  
言云我來自東是爲不欬豈有君父之前輒自稱我雖  
至視不嫌於無欬有時而觸汝然非謝表所可稱之辭

雖數更赦宥不可追咎亦不可不禁如今後有犯者仰  
御史臺卽時彈劾致宋史文苑張秉傳云徽宗立起爲  
通判黃州知兗州召爲太常少卿甫數月復出知頤州  
汝州崇甯初復坐黨籍落職主官明道宮不言復直龍  
圖閣東都事畧本傳云召爲太常少卿甫數月復出知  
龍圖閣知頤州又徙汝州又致張未復直龍圖閣知頤  
州富在元符末建中靖國初蘇軾卒於建中靖國元年  
六月其哭蘇軾在頤州則徙汝州又在建中靖國元年  
之後其落直龍圖閣管勾明道宮則在崇甯元年五月  
乙亥積長編有文可效能改齋漫錄以復直龍圖閣知  
頤州爲崇甯元年事誤

辛亥詔昨降置講議司手詔內事件許中外臣庶具所  
見利害聞奏紀事本末卷

續宋編年資治通鑑云秋七月詔臺省寺監外監司  
部守並三年成任臺十朝綱要宋史本紀並丙戌日  
宋史陳軒傳徽宗立軒爲兵部侍郎兼侍讀論監司  
守臣數易之弊如江淮發運使十五年間至更三上  
二人願捐

久其任

又云言者謂置春秋博士非神考意詔罷之案宋史  
本紀辛亥日王海卷百十二云元符三年十一月復

置春秋博士崇甯元年七月罷與宋史合宋編年通鑑於元符三年不書復畧玉海卷百十六云靖國元年罷

八月

案錢氏朔閏考是月癸丑朔

丁巳右僕射蔡京提舉講議司

紀

本末卷百三十一案據紀事本末百三十二卷是年七月甲午已有蔡京提舉之詔至丁巳相距二十四日似

誤尚書右僕射蔡京言奉手詔提舉講議司仍令遴

簡乃僚共議因革伏見戶部尚書吳居厚翰林學士張商英刑部侍郎劉廣才猷敏邵練達世務欲乞差充詳定官起居舍人范致虛太常少卿王漢之倉部郎中黎珣吏部員外郎葉棣乞差充參詳官臣伏讀手詔如宗室冗官國用商旅鹽澤賦調及尹牧事皆政之大者臣欲每事委官三員討論並乞差充檢討文字有見任者令兼領不可兼及在外者並權罷見任赴司供職又言

熙甯條例司檢詳文字編修及編定并在司分遣出外

相度共一十九人案紀事本末文多脫誤今今事有多

寡人力有餘或不足乞從本司隨事分委仍乞以承奉

郎喬方鄂州司戶參軍沈錫充尹牧檢討官紀事本末

二案據卷百三十二崇甯二年九月壬午注云馮邁朝

請郎元年八月五日為鹽澤檢討則此節之文尚未完全十朝綱要

云八月丁巳蔡京奏請講議所詳定參詳檢討官其所

奏望自戶部尚書吳居厚翰林學士張商英以下凡二

十七人檢紀事本末正文并註止得十一人今據九朝

編年備要補之云強浚明李詩鮑胎慶充宗室檢討官

李琦陶節夫吳儲充尤官檢討官梁安國王覺崔彪充

國用檢討官安文虞防林據充賦調檢討官韓敦立曾

說余按充密院亦立講議司請以曹誘為詳定官曾孝繼

未幾樞密院亦立講議司於崇甯三年四月乙丑奏罷諸

辛巳奏罷都省講議司於崇甯三年四月乙丑奏罷諸

人推遷一見崇甯二年九月壬午一見崇甯三年八月

甲

乙丑臣僚上言臣聞爵人於朝與士共之刑人於市與眾棄之二帝三王之御天下不易此道伏見前日詆訕先朝動搖法度罪不容誅之人比者追貶而顯黜之皆板鏤所陳章疏且頒降手詔著所以罪之之由俾中外洞知本末此真與眾棄之之美意也臣愚尚以爲陛下踐祚之始淵默不言嘗開獻書之路而以書獻者有自布衣取甲科以令百里或加秩一等或解武弁而寄寺監丞簿之祿天下之士不知彼所論列爲何等語言往往懷疑迄今不釋欲望出其所上封事布之四方果其言有補國是則至公之議帖然自厭脫或志在覲望倖僥名器無忠嘉一定之論有姦險兩可之語附下罔上累先烈而害初政則於此時豈可以置而不問如以臣

言可採望早賜施行詔除鄭敦義江緝外鹿敏求追所

授承事郎降充簿尉高士育追所授官依舊左班殿直

呂彥祖追所授官何大正追所賜出身及所授官並不

得應舉紀事本末卷百二十三原注實錄無此元符三

百以左班殿直特換承務郎大正以太學上舍生特與

賜同進士出身爲眞州司法參軍彥祖亦補初等官爲

法參軍元符三年四月癸未作淄州司戶參軍

己巳呂惠卿知揚州紀事本末

甲戌右僕射蔡京請以學校爲今日先務乞天下並置

學養士如允所請乞先次施行一乞罷開封府解額除

量留五十人充開封府上着人取應外素文獻通考作

選舉志云開封府留五十五額解士人之不入餘並改

學者餘盡給諸州以爲貢額上着以當作土著

充天下貢士之數所有諸州軍額各取三分之一添充

貢士額一乞天下並置學養士郡小或舉人少則令三

二州學者

案文獻通考或舉人作或應書人則令作即合

聚學於一州一乞置

州學並差教授二員一乞增置田業養士應本路常平

戶絕土田物業契勘令用數撥充如不足以諸邑係省

官田宅物業補足一乞以三舍考選法遍行天下聽每

三年貢入太學上舍試仍別爲號令爲三等

案文獻通考考作至則

附上舍試別立號考取分三等

若試中上等補充太學上舍試中中等

補充下等試中下等者補充內舍餘爲外舍生雖補止

及中下等或不及等及科舉遺逸而學行爲鄉里所服

委知州通判監司依貢士法貢入委祭酒司業博士詢

考得實當議量材錄用一乞令郡守監司保任貢士若

貢士到太學試中上等及考選升舍人多即等第立法

推賞一乞諸縣置學於本縣委令佐擘畫地利及不係  
省雜收錢內椿充費用一乞學生自縣學考選升州學  
一乞州縣並置小學一乞並立學生在學升黜法一乞  
外任官子弟許入學取應在外官子弟親戚法不合在  
本處取應者許隨處入學卽不升補與貢在學迪及一  
年給公據許赴太學取應國子監解名一乞州縣學職  
掌學諭學長許差特奏明人一乞禁不得教學生非經  
史子書文字詔令講議司立法頒降仍差將作少監李  
誠於城南門外踏逐修置外學

紀事本末卷  
百二十六

丙子詔司馬光呂公著王巖叟朱光庭孔平仲孔文仲  
呂大防劉安世劉摯蘇軾梁燾李周范純仁范祖禹汪  
衍湯輔李清臣豐稷鄒浩張舜民子弟並不得與在京

差遣

案十朝綱要云丙子詔司馬光等二十一人尚少一人子弟不得任在京差遣茲所錄止二十人

陸傳吳儲呂好問呂凝問蘇适呂能問王摭張禹並與

外任合入差遣紀事本末卷百二十一原注宣和錄有

乙酉臣僚上言籍記姓名不得與在京差遣此

丁丑案紀事本末卷百二十一注云八月二十五日安

十五日居初罷沂州呂仲甫落集撰宣和錄於十月二

己卯張商英爲尙書右丞紀事本末卷朱師服安置

興國軍紀事本末卷百二十四注案錢氏朔閏考八月

也癸丑朔原注云在元年八月二十七日是己卯

辛巳講議司檢討官李愷韓敦立郭異余授提舉措置

鹽事愷陝西路敦立河北路異京東路授京西路案紀

未卷百二十三載二年九月壬午詔逐路提舉措置官

陝西路李愷河北路韓敦立京東路郭異京西路余授

各轉一官原注云元年八月五日爲檢討官八月二十  
九日差攷八月癸丑朔二十九日辛巳也原注又云呂  
建中淮南胡奕修兩浙十月十六日差今依續長  
編十月丁卯胡奕修提舉措置置鹽事書法補修上

諭曰哲宗立時姦臣誠有異意朕亦親聞皇太后德音

神考寢疾太后令守勲諭確弟碩使確輔立哲宗徐王

數留禁中不肯出魏王牽臂引去確母入禁中皇太后

使諭確外託主兵官燕達案宋史有傳續編注作達誤并知開封府

蔡京及哲宗卽位羣臣多言廢立太后曰章疏已焚之

所須衣物或哲宗自買朕時尙幼哲宗最友愛時召至

閣中飲食皆陶器而已續長編卷五百二十注案原注引舊錄如此新錄有辨二月甲

午注  
可攷

續宋編年資治通鑑云八月置安濟坊以處民之有

疾病而無告者置居養院以處鰥寡孤獨案宋史本紀置安濟坊在乙丑日東都事畧開封府置居養院

在辛未日宋史書京師置居養院於九月戊子食貨

志云崇甯初蔡京當國置居養院安濟坊給常平米

厚至數倍差官卒充使令置火頭具飲膳給以納衣

絮被州縣奉行過當或具惟帳願乳母女使靡費無

藝不免費率斂貧者樂而富者擾矣三年諸城若坊

戶及千以上有知監者依各縣增置居養院安濟坊

道錢米救濟孤貧小兒無衣者許送近便居養院

學聽讀其衣襦於常平頭子錢內給造元年尚書省

又云復紹聖役法宋史食貨志崇甯元年尚書省

言前令大保長催稅而給願直是為差役非免

也詔提舉司以元輸願錢如舊法均給永興軍路州

縣官乞復行差役人願錢皆害法意應改從其舊詔

胥願直罷給役常平免僚言常式及先降紹聖戶

部並遵奉紹聖常平免僚言常式及先降紹聖戶

貼役法行一天下二年免僚言常式及先降紹聖戶

則五年有倍之數免役積錢歲收一倍免役寬積及

一科之備故紹聖立法常平息及一倍免役寬積及

集賢殿修撰知鄧州呂仲甫前為戶部侍郎輒以狀

申都省乞刪去上條詔黜仲甫落職知海州又詔常

平司候豐行有餘日具此制奏議之又陳軒傳軒言

比更定役法以寬民力而有司生事急切苟營贏羨

散青苗以抑兼并拯難而司生事急切苟營贏羨

困不當以多散子賞

又云論變法罪貶徐彥孚等十一人降官落職有差  
十月劉奉世等二十七人皆坐垂簾之際黨與變法  
並罷所居宮觀案據九朝編年備要十一人為徐  
彥孚朱彥陳察向糾劉唐老歐陽棐鍾正甫許端鄭

李昭玘陳權周鼎臣也劉奉世  
等二十七人詳十月丙子

九月案錢氏朔閏考己丑少府監丞強浚明為主客員

外郎講議司參詳官紀事本末卷太常丞陳暘為駕

部員外郎講議司參詳官紀事本末卷

癸巳降授朝議郎提點淮南東路刑獄鍾正甫為金部

員外郎正甫於元符末應詔上書第為正上第一人故

擢用之紀事本末卷百二十三原注實錄載正甫除金

上第一為鍾世美庚子追贈右諫議大夫亦曰世美茲

云正甫殆其字歟然於此稱字亦覺無謂又降授朝議

議字庚子原注作請

乙未詔中書省開具元符臣僚章疏姓名如後案紀事

續資治通鑑長編拾補卷二十 九

本作九月己未攷九月癸巳朔無己未日當依十朝綱  
要宋史本紀作乙未爲是此所開具臣僚章疏姓名皆  
元符三年三月應詔上書者也十一月甲辰詔旨可  
攷宋編年通鑑云上以元符末羣臣所上書疏付蔡京  
京以付其子攷與其客強凌明葉夢得看詳第五百八上  
正中正下邪等尤甚邪上邪中邪下七等計五百八上  
二人宋史強淵明傳云淵明與其兄浚明及葉夢得  
締蔡京爲死交立元祐籍分三等定罪皆三人所建  
正上鍾世美喬世材何彥正黃克俊鄧洵武李積中源  
六人 正中耿毅宗雨李申俞賚蔣靜葉承張景仁馮澥  
孫覽張撝蕭拱辰張彥逸劉涇原注十人 正下許奉世  
宇文邦彥吳珪李籍廖彥正單暉曾仁王甯李景直王  
瑜黃适鄒子濟李彥遠尹復溱辛之武陳南夫祝向曾  
讜王景行陳之立周熊范峒原注十二人 邪上尤甚范柔  
中鄧考甫封覺民李新吳朋衡鈞胡端修趙令時周誼  
安信之孫琮高公應郭執中王察趙响李傑李賁石芳

吳安遜朱紱案十一月甲辰詔作紱周永徽湯琳金極張集李諒

卿案十一月甲辰詔作呂蘇炳鮮于綽黃策高漸王吉張夙王貫

葛茂宗曹蓋趙天佐衣公適洪羽柴袞劉謂原注三人

邪上梁寬曹興宗謝潛許安修羅鼎臣于肇黃遷劉吉

甫王公彥莫仲正案三年作王俠正楊肫許堯輔胡良

李修黃安期梅君俞沈千張居黃才寇宗顏曹盥林膚

葛輝逢純熙王炎張溥胡潛劉勃陳唐董祥陳師錫王

守蔣津高遵恪王陽張裕王極案十一月甲辰詔作極侯顯道案

甯三年碑周遵道宋壽岳扈充原注四人邪中趙越朱

光裔王忠恕劉質夫鄧允中王岐謝棕蘇處厚高公湜

吳偉江詢劉沖蕭剏劉戮宋勛年吳文規張琮狄瑾郭

時楊令劉憲張宋任寶賢任伯雨蘇大本沈街王箴陳

廣文台直監是屬公甫  
卷二十一  
一

師錫

案已見邪上

王發呂陶李浩黃履陳師道上官公

裕劉天啟張耒史彭年梁俊民黃紘李廣李昇楊植薛

逢梁景初李霆張謐耿毅劉渙李平劉廓李孝迪陳中

夫張永弼張戴李良翰竇誦黃安期孫大臨張恕宋宋

馬衷高定唐耜富開鮮于綽案已見邪尤甚韓英范鏗陳象

古王天常甯祖武李幹翁升邵伯溫張上行韓安岳商

師中宇文諲李知遠吳瓌潘見素蘇之悌張蘇李閔衡

石祁彭年陳喆葉世美孫琮毛隨楊敦仁檀固許廣淵

李雲從夏侯景仁唐廣仁許劭高徽楊明郭簡修黎延

孫秉善陳昇朱曾陳琰段察武仲荀姚諷王望之李由

頤蘇迴段翼馮伯藥陳良能王迴趙孝立宋之珍楚興

宗陳彰李晉裕馮千里高士戩韓晞王彥升張確劉奕

王師中范埴賀昌辰張及張鐸鞠鐸嗣復賈公裕裴

迪祖王祐梁安國晁說之王奧之劉經國倪直儒王夷

約楊天惠劉覺陳策李處仁朱恪路昌衡周鼎李圭陳

縝原注一百五十五人邪下王革案十朝綱要作王華張謏朱肱錢升楊

忠信王收李賡劉端彥兌張叡傅耆王偉趙茂曾楊

致祥董丕竹璟鄭綱黨鈞任日新趙齊賢蘇堯臣高復

任仲奇閻巨陞陳琰案已見邪中陳皋成彭年梁薙陳琳王

腴喬天錫丁執善何宗翰下京李知章范子修李援徐

瑛王覬毛叔度吳倚方适林定譚極黃同傅希寵王彥

弼王師正劉知止劉宋李程馬牧任應寶護黃汝方宋

適張譽杜之邵王時馬恕孫發李彥弼倪直孺案已見邪中楊

儒楊韶王箴鄧安正黃正一吳光美李公賁徐公廩楊

儒楊韶王箴鄧安正黃正一吳光美李公賁徐公廩楊

直聶敏修吳昺崔陟徐誥謝愔周邠高臨李志恣蕭景  
修徐俯季孝常范百億何權宇文輝俞次契甯宗傑魏  
鏗李義叟蘇之睇時君陳張照李茂安潭魏介章諷江  
棻陳雝林崇旦陳京陸渙張保醅程之才余卞呂贊魏  
富陸彥述支詠劉勃費勉中馬永逸董乂辛春卿毛搗  
黃叔靖陳恇楊洵鄭子淵傅烈蓋士宏耿居正毛完辭  
睿黃諷聶思孝楊明甯鳳舒洪中洪芻武仲詢向滉徐  
愈王驥陳力閻建孟道張友劉跋汪忱李壽邵柁胡盤  
熊俊民崔鷗向詢黃應求劉仲昕司馬宏黃熙孟完旦  
張元矩唐嘉問曾嶧范子丹江汝言馮正卿王濤劉思  
徐大經呂元中吳文規杜穎柴義卞議歐陽旻尹翊胡  
沔孫大臨葛敏修葉疑錢大中燕景賢任唐穀張碩陳

誨李庭堅史唐陳楊居陳升菴子甯趙晞張沆王彥富

純江洵劉溥吳環史保躬趙丕遠王漣姜蹈中朱繪西

門聿趙襄馬洙張濟朱恪李黯文嘉謨上官彝孫曾潘

琮黃權胡庶程俱馬待問李翦周希尹燕默蕭拱辰傅

甯鄭少微王知常郝宗臣林駢鄭語劉寬楊容之施邁

高公從陳師錫案已見邪中何景甫范塤張庭玉唐靖張

樸趙衡王適曾繹劉蒙毛求蓋薦李敦常張直楊瓌寶

李處誨晁詠之宋由正陳中逢純熙張珙史彭年李機

楊禾梁鼎高公傑趙子渙家愿王箴陸表民楊傑白鎮

袞公適蘇象先高漸案袞公適高漸趙岓郭永年楊傳

朱行中王注滕友侯晉卿周鏐毛直友范世文苗蔡趙

渥王景行謝學廉李世基陳慤竇卞孟長民周种閻崇

蘇門台直監要編合補圖卷二十一

郭奉世辭及任有功徐商美宇文湛劉文美上官均張

沔王公彥賈休復宋直方喬甫高士丕江偉劉鼎臣常

檄猷何爽韓升卿何大受陳修已賀霖張彥逸俞唐馬

希道蒲俊劉爽秦憲蔣琳方鼎胡慎修馮正雅張元句

居體原注三百一十二人紀事本末卷百二十三案所

原注之數則五百四十二人茲邪下原注云三百一十

符三年四月癸巳時上書者有鄭敦義高士育庶敏求

何大正呂彥祖五人此文又多不及而裴公適陳師備

無由覆其實矣

丁酉布以御史中丞錢適言廢元符皇后事降授中大

夫司農卿分司南京依舊太平州居住紀事本末卷百

紀丁酉治臣僚議復元祐皇后及謀廢元符皇后者罪

降韓忠彥曾布官追貶李清臣爲雷州司戶參軍黃履

爲州團練副使竄曾鞏以下十七人錢適傳云布去

通遷侍御史闕兩月進中丞包治元符末大臣當句復

孟后廢劉后事韓忠彥曾布李清臣黃履及議者曾  
豐禮陳確龔夬皆坐貶告宗廟天聖下莫不知哲宗上賓  
元祐皇太后當因大臣盡欲變亂紹聖時物議固已  
太母聽政大正狂言復廢忠義激切則天下公議從  
一布衣何大正臣請上書忠義及追禘大正誤國則  
海乃至疎逃小臣請關上書忠義及追禘大正誤國則  
可知矣今朝廷既安孔子曰必也及追禘大正誤國則  
元祐皇太后義非所安孔子曰必也及追禘大正誤國則  
不順夫在先朝則曰復於今日則謂之元祐皇太后於  
所無稽之本朝則故實未有事為不謂之元祐皇太后於  
況既為先朝所廢則宗廟祭告歲時薦饗人以為不  
之迹神靈所厭歎之心萬世之後配之論將安所施宜  
正厥事以厭厥心萬世之後配之論將安所施宜  
日又言典禮所在實朝於流俗非正之論將安所施宜  
得而擅又況區區臣下敢輕變易之者並后得尊不  
先朝廢處瑤華區區臣下敢輕變易之者並后得尊不  
秋儀之豈宜明盛之朝而肅衰世非禮之事於尚書  
右儀時京門下侍郎將中書侍郎左丞事於尚書  
商英言元祐皇太后再復禮制皆所未安請如紹聖三  
從享陵寢不可配耐是復廢禮制皆所未安請如紹聖三  
年九月詔書旨后由是復廢禮制皆所未安請如紹聖三  
未正乃冊為崇恩太后通章所遂言小臣上書者昌州之  
官馮漸也其書以謂先帝既終則后無單立之義稽之

逆順陛下無立歟之禮要之終始皇太后亦不得神慈  
由是得召對  
除鴻臚主簿

己亥御批付中書省應係元祐責籍并元符末敘復過

當之人各具元籍定姓名人數進入仍常切契勘不得

與在京差遣原注詔旨及宣和錄俱有此案原文作九

九月己亥也又攻宋史本紀云己亥籍元祐及元符末

宰相文彥博等侍從蘇軾等餘官秦觀等內臣張士良

等武臣王獻可等凡百有二十人御書刻石端禮門即

此事也茲不言刻石文畧觀下年九月辛丑臣僚上言

云云知此已刻石矣續宋編年資治通鑑云詔中書省

籍記姓名又以元祐籍并元祐末敘復過當之人凡

書列石端禮門  
文臣曾任執政官文彥博呂公著  
司馬光安燾呂大防劉摯梁燾王巖叟范純仁王珪王  
存傅堯俞趙瞻韓維孫固范百祿胡宗愈李清臣蘇轍  
劉奉世范純禮陸佃案宋編年通鑑及通鑑續編又有

辛巳頌端禮門石刻於天下紀事本末載御史臺抄錄到姓名亦有韓忠彥鄭雍則此文有雙也 曾

任待制以上官蘇軾范祖禹王欽臣姚勔顧臨趙君錫

馬默孔武仲王汾孔文仲朱光庭吳安持錢勰李之純

孫覺鮮于侁趙彥若趙鼎孫升李周劉安世韓川賈易

呂希純曾肇王覲范純粹楊畏呂陶王古陳次升豐稷

謝文瓘鄒浩張舜民 餘官秦觀湯馘案各本並作馘茲據編年備

要正杜純司馬康宋保國吳安詩張耒黃隱歐陽棐呂

希哲劉唐老晁補之黃庭堅畢仲游常安民汪衍孔平

仲王鞏張遷保案當依宋編年通鑑作張保源余爽鄭俠常立程頤余

卞唐義問李格非商倚張庭堅李社陳祐任伯雨陳鄂

朱光裔蘇嘉陳瓘龔夬呂希績歐陽中立吳儻呂仲甫

徐常劉當時馬琮謝良佐陳彥默劉昱魯君貺韓跋

內臣張士良魯濤趙約譚晨楊倂案宋編年通鑑作王倂誤陳詢張

琳裴彥臣武臣王獻可張遜案前文李備胡田本紀事

朱光裔馬宗劉賞時謝良佐陳彥默劉昱徐常呂仲甫

姓名不當又見九月十七日案右百十七人已出籍恐此

並增韓忠彥鄭雍為百十九人據十朝綱要宋史本紀

孫有官無官並人尚少一人宋通鑑又云尋認黨人子

及有服親為婚二許到八月又詔宗室不得與黨人姓名

當鑄字辭曰民愚人固不知立碑之意但如司馬相公

罪泣內稱其正直今謂之免安山民不忍刻也官府怒欲加

於後世間者愧之三年六月重定元符黨通入元祐黨合

為一籍通三光侍從蘇軾餘官觀以下及上書邪等合

自書為豐碑頌之天下餘並出籍原注洛黨以程頤為

甚眾案詔黨人以劉摯梁燾王巖叟劉安世為領袖陶等

九月不得與黨人子孫為婚見二年三月乙酉詔宗

庚子贈宣德郎鍾世美為右諫議大夫錄其子為郊社

齋郎世美元符末任福建路提舉常平因日食應詔上

書乞復熙甯紹聖政事以銷天變至是追贈紀事本末

三原注詔旨載世美書甚備按癸巳先書降授朝請郎

鍾正甫為金部員外以元符末上書第為正上第一注

云或削去與此何如壬寅降授中大夫司農卿分司南京太平州居住會布

責授武泰軍節度副使衡州安置紀事本末卷百三十

坐嘗薦趙總充學官黃授李攸宋朝事實卷十云曾布

與韓忠彥同輔政忠彥既罷相而布亦力請去位未幾

臣僚論列布與宦官鬪守勲等相交結使門人李士京

道京語暨陛下發揮睿斷斥逐守勲是時布在公堂忽

覺驚駭失色又聞金山登雲門外下鼻唐地當有識記

遂諷金山寺僧獻其地又以常住地不可買遂面欺乞

亦薦用朱彥任府界提點日朝廷便錢往京西舒與布

之靖吳則禮攬客人傾錢所得息錢甚多彥以此速進

陛下深察其姦終以必去而不疑可謂有人主之英斷

矣及其既去則警以美詞寵以太平州居住又貢授賈

州別駕衡州安置二年

又貢授雁州司戶參軍

定官百三十二卷

丙午案續長編卷二百五十八論熙河路交子注云崇

閏考九月癸未朔二十三日丙午也宋編年通鑑云蔡

京言茶馬司將川交子通入陝西民已取信今欲造三

於八月未是九朝編年備要繫之九月與續長編注台

辛巳呂惠卿知太原府卷百三十

續宋編年資治通鑑云兵部尚書劉拯上言漢唐失

政皆自朋黨始今日指前日之過惡自有公論因其論之

輕重以正典刑誰不悅服何必悉拘於籍而禁錮之

哉蔡京大不憚風臺臣劾之當在立黨碑之後蓋又

通鑑繫於八月以時事繫之當在京編次元祐後黨又

言漢唐失政皆分朋黨不若定為三等某事為上某

事爲中某事爲下而不斥其名氏京不樂又言戶部  
月賦入不足償所出京益怒徒之兵部旋罷以新州  
徙潤

州

又云招陝西河東弓箭手案元刻本繫於  
八月今據十朝綱要九朝備要移於九月

十月

案錢氏朔閏考

丁卯講議司檢討官李玟胡奕修

紀事本末卷百三

提舉措置鹽事

淮南奕修兩浙路

紀事本末卷百三  
呂建中

先措置淮南鹽法列上七條許客人用私缸運致  
始更東南鹽法

己巳觀文殿學士新知太原府呂惠卿爲武昌軍節度

使知大名府

紀事本末  
卷百三十

丙子臣僚上言元祐之初共成黨與變壞法度等人朝

廷近已施行所有元祐之末共成黨與變壞法度復爲

元祐等人伏望詳酌施行詔奉議郎寶文閣侍制知越

州周常落職管句崇禧觀婺州居住

原注初二日  
自湖改越

承議

郎知廬州龔原管句玉局觀和州居住中散大夫知徐

州劉奉世落職提舉崇福宮光州居住原注奉世落職

元五月四日此猶帶端明詔旨誤也詔旨又誤以光州

為沂州今改之案宋史本傳奉世於崇甯初再奪職

致其責居沂究不言光州居住據東都事畧攷之奉世

百徙光州事但事在元符之末不在崇甯時又據本書

攷之三年四月甲辰沂州劉奉世提舉崇福宮光州劉

安世提舉崇福宮是奉世沂州安世提舉崇福宮光州

量移亦云安世光州五年正月較復奉世原注亦云九

月五日自沂徙究則詔旨以奉世沂州居住不誤也

朝奉大夫知潁州呂希純管句鴻慶宮汝州居住原注

十三日知潁州降授承議郎王觀管句太沖觀朝散大夫王古

管句崇道觀降授承議郎知濮州謝文瓘管句玉隆觀

竝本處居住原注文瓘此年二月三日罷給事中誤也朝請

郎知滑州陳師錫管句靈仙觀朝奉大夫知蔡州歐陽

斐管句崇道宮原注斐以直秘閣知蔡在靖元十月七

日後與呂希哲劉唐老並落職在崇甯

元年五月十六日案附見朝請大夫知邢州呂希哲管

句冲佑觀原注六月六日自曹朝請郎知曹州劉唐老

管句鴻慶宮原注六月六日自相改曹宣和錄於八月

御不書按唐老與歐陽棐呂希哲陸黜多同今朝散郎

晁補之管句太平觀朝散郎黃庭堅管句玉隆觀承議

郎黃隱管句靈仙觀朝奉大夫畢仲游管句崇禧觀朝

散郎常安民管句玉局觀朝奉大夫孔平仲管句太極

觀王鞏管句太平觀張保源監西獄廟朝奉大夫陳鄂

管句洞霄宮朝散郎朱光裔管句仙都觀蘇嘉管句雲

臺觀余卞監中嶽廟鄭俠監南嶽廟胡田管句仙都觀

並外州軍任便居住仍依陳乞宮觀新格餘遵守不得

同在一州指揮紀事本末卷百二十一原注此據宣和

錄崇寧元年十月二十五日事詔旨係

之八月二十五日今不取但宣和錄不載賁人前官  
及差遣今御去詔旨所載劉安世范純粹居光鄂皆誤  
又於八月二十五日載劉安世范純粹居光鄂皆誤  
也八月二十五日安世居初罷沂州十月二十五日亦  
令光州居位純粹罷金州在十月六日其居鄂州亦  
在十月二十五日詔旨并罷及居住於二十五日今不  
取詔旨又載呂仲甫落集撰於八月二十五日今不  
宣和錄於十月二十五日胡田下又有孟在  
錄於十月二十五日胡田下又有孟在  
姓名今從詔旨移入八月二十五日

戊寅詔河南府草土

案字似

裴筠上書乞崇修崆峒觀

給付常住地土是鹽池化水之源四京建二相廟邱呂

誨銘是化水之本及妄議熙甯以來常平免役市易保

馬鹽法契頭義倉等事并請上感蟲蝗水旱凶賊交起

日蝕地震鹽池變海等語言狂悖事理誕妄託意鹽池

潛圖奸利理當懲罰以戒亂化之民其裴筠特送五百

里外州軍編管所有講議司許陳言利害文字指揮勿

行紀事本末卷百三十  
二原注裴筠當攷

辛巳講議司言修定解鹽地分收到讎土及淋鹵水依

私鹽法土三斤水三升計一斤之數等條從之紀事本末卷百

三十二案文獻通考卷十六云崇甯元年解州賈考南

北關池修治畦眼柏磨布種通得鹽百七十八萬二千

州具以開續宋編年資治通鑑云冬十月蔣之奇罷案東都事

畧本紀癸亥罷宋史本傳云除觀文殿學士知杭州

歸提舉靈仙觀後錄其嘗陳紹述之言盡復官職

又云建外學於國以待四方之士賜名辟雍案九朝

編年備要云以國子祭酒總治內外學別置外學待其

業以下官處上舍內舍於太學處內外舍於外學待其

歲政行藝升之太學上舍三百人內外舍於外學待其

甯元年八月己卯建辟雍小學十月十七日戊辰初  
建辟雍外內方爲屋一千八百七十二楹文獻通  
考卷四十二云太學上舍一千八百七十二楹文獻通  
今貢士盛集欲增上舍至二百人內舍六百二十人  
三千人外學爲四講堂百齋齋列五楹一齋可容三

十人按上舍三百人宋選舉志同當依文獻通考作  
二百人為是王祿宋朝燕翼詒謀錄云崇寧元年徽  
宗初立辟廱增生徒共三千八百人內上舍生二  
百人內舍生六百八人教養于太學外舍生三千人

十一月

案錢氏朔閏考是月壬午朔

甲辰詔曰元符之末下詔求直

言蓋欲廣朕聞見裨益政治比以所上章疏付之有司

考其言邪正今具名來上其間昌言讜議指陳闕失皆

有所嘉納不能釋手至其言當於理力

案元本作又茲依東都事畧改

正陳父子兄弟繼述友恭之義者四十一人悉加精擢

用勸多士內有附會姦慝誣毀先帝政事者總百四十

人

案當依十朝綱要東都事畧作總

然言有淺深罪有

輕重取其詆譏謗斥言之尤甚者三十八人

案十朝綱要同東都

事畧作三十人非依九月覽之流涕弗忍再觀得罪宗

廟朕不敢貸可責逐遠方次等者四十一人其言亦多

詆譏各與等第降官責遠小處監當以戒爲臣之不忠者勘會邪上尤甚係范柔中等三十八人內郭執中已除名勒停吳朋王古己身亡朱絃致仕老疾邪上次等係梁寬等四十一人內陳唐扈充許安修己身亡劉吉甫係承務郎致仕詔范柔中等並特勒停永不收敘朱絃免羈管外餘分送逐處羈管范柔中雷州鄧考甫筠州封覺民簡州李新遂州衡鈞淄州胡端修廣安軍王璩州年四月甲辰趙令時蔡州案三年周誼郴州安信之同州作廣德軍孫琮荆門軍高公應隨州郭執中成州王察深州趙峒處州李傑唐州李賁單州石芳曹州吳安遜濮州案三年甲辰作漢州周永徽眉州金極廬州張集濰州案濰字疑說呂諒卿亳州鮮于綽河陽黃策登州高漸撫州張夙

廣濟軍王貫棣州梁寬曹興宗陳師錫劉勃黃安期沈

千羅鼎臣高遵恪各降兩官寬等六人並添差監當鼎

臣遵恪仍致仕于肇黃遷真仲正許堯輔楊朮胡良李

修梅君俞張居黃才寇宗顏曹監林膚葛輝逢純熙王

交案王交當依九月張溥胡潛董祥蔣津王守王陽張

裕王拯侯顧道周遵道宋壽岳謝潛王公彥二十九人

並衝替係私事理重仍不得改官紀事本末卷百二十

此據詔旨及宣和錄二年九月十三日當攷許安修崇

南五年正月十七日

王子講議司言江淮鹽舖戶每遇闕鹽止用金銀等抵

當出賣客鈔坐邀賤售商賈折閱乞行止絕金部以爲

抵當元豐法也過一年者沒官乞改爲半年從之紀事本末

續宋編年資治通鑑云十一月置兩京宗正司案宋  
史本紀係癸巳日玉海卷百一十二云元祐六年宗  
令鑠請建宗學於是詔宗正接熙甯教諸院建小學  
建中請國元年世維仲爰言之四月九日諸宮增大小二學  
置宗學崇甯元年十一月二十二日詔諸宮大小二學  
增置教授二員立考選法二十二日詔諸宮大小二學  
正寺長貳提舉四年改稱某王宮宗子博士位國子  
博士上程大昌續演繫露卷二云紹興十五年十一  
月臣僚劄子昨來國子監申請行在宗室並赴監試  
如外任及宮廟並赴清試其監試有官親應七人取  
三人無官應舉七人取四人無官試免親取應七人取  
通者為合格不限人數惟赴運司試所取之數與進  
士一非同所以以獎進宗子乞除行在宗子依見法外  
諸路宗子不以有官無官如願試行在應舉鎖應並  
依熙甯舊制試赴監試請解省如不願前來依見行  
崇甯貢舉法案此所請崇甯通司取數必少於熙甯  
蓋崇甯非不欲優之為崇甯通司取數必少於熙甯  
親遠屬疏比熙甯不同

十二月癸丑御史中丞錢適言仰惟哲宗用王瞻策取  
青唐邈川可謂不世出之畧矣前日權臣挾愛憎之私

情送一偏之曲說以欺朝廷盡委而棄之更以他罪戮  
及贍身驍俊勅敵之臣聞之莫不喪膽臣以爲今日朝  
廷不追正當時主棄地權臣之罪而顯黜之則無以伸  
往者之寃而激忠勇折衝之氣於是責授武泰軍節度  
副使衡州安置曾布責授賀州別駕依舊衡州安置紀事  
本末卷三十九及注參補(案原注云元年十一月一  
百三十日忠彥等初責當作十二月三日宋編年通鑑云論棄  
遼州罪再貶韓忠彥等九人宋史本紀云論棄遼州罪  
貶韓忠彥爲崇信軍節度副使范純禮分司南京又卷百三十  
爲南園軍節度副使姚雄亦降皇城使勒停光州居住  
九注引青唐錄云姚雄亦降皇城使勒停光州居住

庚申臣僚上言臣聞諡以易名所以昭其美惡而寵辱  
之宜不可以忽也夫慮國忘家之謂忠美聞周達之謂  
宣爲范純仁者以忠宣命之可乎當時定議之博士覆

議之郎官承順風旨不恤國是諡其美而上之其諡議  
具存而議之者固在也其世濟忠直既不得名其碑則  
前日未當之諡理所應論不特純仁而已有如司馬光  
之諡文正呂公著之諡正獻其類不一顧於此時皆當

奪本議各諡其惡以訓萬世詔范純仁諡定議覆議官

各罰銅十觔其范純仁神道碑如已鑄立令穎昌府毀

磨紀事本末卷百二十一案吳曾能改齋漫錄卷十四

諡去崇甯二年六月臣僚上言范純仁諡曰忠宣其諡

策常願休兵而息民祗知扶危而濟頽甯恤賊前而

後又大防之可原當罪人莫敢言之無實泊姦無可用

謂大防正色憤激至誠非特救當世正人縉士之網

直欲戒後世亂臣賊子之迷罔徇公忘己為國惜賢

又曰側席南望而挾浮雲之蔽遷節東歸而詠零雨之賢

遺汝州鄧忠臣差管幹南京鴻慶宮案鄧忠臣於崇甯

二年九月庚寅  
添入黨籍

丙寅詔應責降安置及編管羈管人令所在州軍依元

符令常覺察不得放出城

紀事本末卷百二十一

丁丑詔諸說謔行非先聖之書並元祐學術政事不得  
教授學生犯者屏出 詔諸路教授序官外官小者並  
在本州錄事參軍之上其供給承務郎以上依僉判餘

依職官例

紀事本末卷百二十六

戊寅宰臣蔡京等上諸路州縣學敕令格式乞鏤板頒  
降從之尙書右僕射蔡京等言臣等昨具陳乞諸路置  
學養士伏承詔旨令講議司立法施行謹以元祐陳請  
畫一并參酌太學敕令格式取其可以行於外者修立  
成諸路州縣敕令格式并一時指揮凡十三冊謹繕寫

上進以聞如得允當乞下本司鏤板頒行其看詳者乞  
送國子監收掌所有今日以前應州縣學校條件已係  
新書收載者更不行用詔疾速鏤板頒行百二十六(統

又卷百三十二繫此  
事於十一月戊寅誤

續宋編年資治通鑑云蔡京言十三山茶場慶曆以  
前歲收五百餘萬今歲入不遇八十餘萬欲復行禁  
權令客人於在淮浙路茶場案文嚴通考卷十入云崇  
甯元年右僕射蔡京議大改茶法謂宜荆湖江兩  
浙福建七路所產茶仍舊禁官買勿復科民置場  
茶州縣隨所置場申商人舊禁官買勿復科民置場  
園戶皆籍名數歲軍於官吏皆用倉法園戶自置場  
租折稅仍舊產茶州縣軍於官吏皆用倉法園戶自置場  
給短引於旁近郡縣便餘悉聽商於便貨斤數  
納金銀緡數或並遷軍餘悉聽商於便貨斤數  
場別給長引從所指州軍需之本稅給自場長引講於  
路登時批發至所指州軍需之本稅給自場長引講於  
留買茶本錢以度課未釐鈔諸色封樁坊場常平  
錢通三百萬緡爲率給諸路置司四年京復議更  
悉聽馬俄定諸路措置茶事官置司四年京復議更

革遂罷官園場商旅並卽所在州縣或京師請長短  
引自買於園戶茶儲以籠箬官爲抽邊循第敘輪息  
訖批引販賣茶  
事益加密矣

續資治通鑑長編拾補卷二十

續資治通鑑長編拾補卷二十一

徽宗

崇甯二年正月

案據朔閏改是年  
癸未正月辛巳朔

甲申詔諸路教授自

外任移者除依條通理考任許就仕陞改其教導有方  
貢試如法者仍聽保明再任內廣南路應陞改者減舉

主一人

紀事本末卷  
百二十六

乙酉中書檢會任伯雨等上言云詔任伯雨除名勒  
停編管昌化軍陳瓘除名勒停編管廉州龔夬除名勒  
停編管象州馬涓除名勒停編管澧州陳祐除名勒停  
編管歸州李深除名勒停編管復州張庭堅除名勒停  
編管鼎州江公望責授衡州司馬永州安置鄒浩除名  
勒停昭州居住以上竝永不得收敘王覲除名勒停臨

江軍居住責授道州別駕台州安置豐稷除名勒停建  
州居住奉議郎監中嶽廟陳次升除名勒停建昌軍居  
住降授承議郎管句玉隆觀謝文瓘除名勒停邵武軍  
居住責授楚州團練副使張舜民除名勒停房州居住  
紀事本末卷百二十一(案治迹統類云知樞密院蔡卞  
追襲元符之末言者疏已舉惡而任伯雨論其欲追廢  
宣仁一事尤爲切至乃上疏自辨以伯雨爲首於是三  
省檢伯雨等所奏乙酉分貶郭浩陳瓘等十人於諸州  
獨伯雨遠  
謫昌化軍

己丑詔許茅山道士劉混康修建道觀仍令直奏災福  
無得隱匿混康有節行頗爲神宗所敬重故上禮信之  
紀事本末卷百二十七原注北陳蔡條史補增入當攷  
混康是何許人七月二十三日賜先生號蔡條史補道  
家者流上謂服之初於釋老好尙未有適莫魯公喜佛  
因導上以注理天下始建崇齋萬壽寺後改天齋又嘗  
於端午日因內道場上焚香再拜以禮佛牙其舍利四  
散進出於水晶匣外上爲之贊焉方士劉混康有節行

爲上所聽信大誣佛氏宋史薛靜傳云茅山道士劉混康以技進賜號先生其徒倚爲姦利奪民葦場僧市  
條國史補有節行語不盡可信

辛丑詔學校長善育材無以文勝質選賢興能無以私  
撓法毋恪於始而怠於終毋便己私而撓官事紀事本末卷百

六十二

丁未東上閤門副使新知岢嵐軍王厚權發遣河州兼

洮西沿邊安撫司公事紀事本末卷百三十九原注此

云二十七日奉敕授前件差遣今用之去年十二月八日

日遷副王厚權自鄜州差遣今用之去年十二月八日

之弟曰裕除羅復國朝延賜姓多羅巴等迎備德拜

河南節度使還州餘羅復國朝延賜姓多羅巴等迎備德拜

諸羌連結且生邊患朝廷方謀鎮輯而大臣有薦厚者謂

於是詔供職問門因問復故地厚對曰臣知州兼洮  
西安撫厚請釋人以自助詔遣內客省使童貫與偕往  
按七月五日童貫方自供奉官轉皇城使果州刺史初  
遣時安得便爲內容省使本傳蓋因王厚行狀致誤王

厚行狀議者以爲諸羌連結且生邊患上方銳意緝捕  
積聚謀憂國決策復職問門公事恢復故地當以恩信  
多論薦是冬詔公供職問門公事恢復故地當以恩信  
招納爲本俟其頑悖不服乃加誅不遇破藹一二年則  
皆定以遼州舊治人情決洽往則可得郡縣之域土廣  
出然後可定此故地也大河之南河源積石之域土廣  
人眾隱然自成一國亦宜以時撫有熙綏復興議公請  
之賜對崇政殿知河州兼洮西安撫使熙綏復興議公請  
擇人協力詔遣合內冠帶金幣旂盾等及軍須赴闕  
益振公條區賞子降人冠帶金幣旂盾等及軍須赴闕  
上皆覩爲區處自御府傳置相望於道乃分遣闕  
以公權行帥事附塞羌聞公來馳書迎於境高永年及  
課深入論恩信送款厚者甚從父詔兵間暢習羌事元  
弟端等各令招納案王厚少從父詔兵間暢習羌事元  
祐棄河湟厚疏陳不可且諸政事堂言之蔡京既治元  
祐棄地之舉仍欲開邊故有是命宋史王厚傳命厚安  
長編注西遣內客使童貫皆往仍沿舊傳之誘當用續  
子亦與續長編注宋史吐蕃傳以裕爲裕巴溫之  
所引王厚傳不合**蔡京爲右光祿大夫尚書左僕射**  
兼門下侍郎**紀事本末卷百三十一原注制詞云適遠**  
遺策蓋以荆戎之弗率繁多算之屬功師不論時慮無  
湖闕土功也

續宋編年資治通鑑云春正月辰沅州蠻叛以直龍圖閣知  
邵事略係乙未日十朝綱要宋史辰沅州蠻叛以直龍圖閣知  
略舒州傳云選形勢得飛山福純州故野中地漢唐皆之  
荆南功除待制編年備要云辰州復置辰元祐又  
要郡以縣五代棄而通自熙寧始復置辰元祐又  
建郡縣人侍險作過去秋百詔以知南軍舒元祐又  
南府又搖以荆南去辰七百里非用兵應急之  
宣交府事與監司親往辰州措置至是奏知辰州  
展臻等一與千六百餘人詔及李闕奏知辰州  
六百餘人竝納土訖詔荆湖兩路改永裕州加  
制羣臣表賀未幾曲赦荆湖兩路改永裕州加  
史蔣年奇傳云徵宗立復邊之翰林學士拜同  
院明徵靖二州宗元知州遣將奇知之院事  
地在建中靖國元崇寧元年得地崇  
在二年十朝綱要云崇寧二年正月改  
甯靖州嚴州考蔣之二年正月改  
二月是月庚戌朔癸丑講議司言市布帛合措置事乞  
令逐路轉運司相度以聞從之  
戊辰講議司言修立產茶州軍不得私賣京東西河東

北路許商旅以官茶興販條告捕支賞等依元符令格

從之紀事本末卷百二十二案宋初年通鑑繫於元年

云茶自嘉祐通商至熙寧中李稷復推法而利復歸

於官至是蔡京請仍舊禁權官買印產茶州郡隨所置

場申商人闌戶私易之禁令商人於存茶州郡及所

在州郡自買於場戶茶儲於龍節官為推監兩第收

息訖批引販賣歲入百萬緡以

進師自是盜販公行民滋病矣

庚午繫甲子宋史綱要東都事略並初令陝西鑄折十

銅錢并夾錫錢左僕射蔡京奏據陝西轉運使許天啟

案文獻通考卷九云副使宋史食貨志云許天啟者京

之黨也時為陝西轉運副使迎合京意請鑄當十錢

申送到新鑄銅鐵錢樣已降指揮銅錢於歲終須管鑄

錢二十萬貫鐵錢鑄二百萬貫自來鑄錢張官置吏招

刺軍兵所費不少而軍兵之役最為辛苦官得至薄率

三錢得一錢之利蓋是久失擘畫今陝西河中府等處

民間私鑄最多召募私鑄人令赴官充鑄錢工匠廣爲營屋許其一家之人在營居止不必限其出入官給物料盡其一家人力鼓鑄計其工直率十分中支若干分數充其工價又可收私鑄人在官蓋昔人招天下亡命卽山鑄錢之意欲令許天啟相度疾速準此施行仍與舊來軍工相兼鼓鑄今來所鑄銅錢除陝西四川河東係鐵錢地分更不得行使外諸路並令折十行用其錢惟令陝西鐵錢地分鑄造卻於銅錢地分行使實絕私鑄之患如有私鑄並以一文計小錢十科罪又陝西銅錢至重每一錢當鐵錢三或四今夾錫鑄造樣製精好欲一錢當銅錢二支用令許天啟相度依此施行從之

紀事本末卷百三十六(案)紀事本末字多錯誤茲依文獻通考卷九校改蔡條史補云國朝鑄錢沿襲五代及

高宗台直監曼屬合甫

卷二十一

一

南唐故事歲鑄之額日增至慶曆元豐之際爲最盛銅鐵

錢歲無慮三百萬貫及元祐紹聖而廢弛崇甯初則已

不及祖宗之數多矣魯公秉政思復舊額以少終不

能得考夫古人之訓子母相權之說因作大錢以一當

十文獻通考云夾錫始於二年河東運判洪中孚言

改鑄夾錫當二當一十錢從之尚書省則崇甯監鑄

書當十錢每貫重一十錢從之尚書省則崇甯監鑄

二錢除火耗一斤五兩每錢重三錢

丙子詔諸路學田一路所管戶絕田多寡不同以有餘

不足相補通一路支用從講議司奏請也紀事本末卷

戊寅王厚言熙甯閒神宗皇帝以熙河邊事委任先臣

韶當時中外臣僚凡有議論熙河事者蒙朝廷批送先

臣看詳可否議論歸一無所搖奪今朝廷措置一方邊

事已究見利害本末欲乞自今中外臣僚言涉青唐利

害者乞依熙甯故事並付本路經略司及所委措置官

看詳從之

紀事本末卷三十九

詔青唐自神宗以來遣人綏

納久有向漢之心昨王瞻等因其歸順朝廷許之招懷

只緣帥司不務協心致其疑沮故一方功緒終未克就

自那回兵馬後來彼土酋領向慕中國其心不已今差

知河州王厚專切招納走馬承受童貫往來句當仰本

路經略安撫都總管司公其協力濟辦

紀事本末卷百二十九原注厚

二年二月二十八日奏為應撥招納事坐此密割詔旨

不得其實日今附此初草於二月十七日載命入內供

奉官童貫兩修建臨平山舊塔初草蓋據溫州報狀然

西河路句當不應此時卻差至杭州今

不取要收蔡京臨平修塔事姑存此

續宋編年資治通鑑云二月尊元符皇后為太

后案東都事略甲寅日宮名崇恩十朝綱要同

又云詔立殿中監尚食尚藥尚醞尚米尚葷兒六局

案十朝綱要宋史本紀繫字酉置六尚缺一當補尚

舍二字周城宋東京考卷三云六局尚食尚藥尚醞

尚衣尚舍尚輦此云尚米當為尚衣字之誤也編年

資治通鑑長編合道卷二十一 五

備要云自唐以來殿中內侍各自有省元豐官制雖  
未及新作殿中省及除人伎本志云監少丞皆與  
省官相聯則亦是文臣之職矣本志又云舊制判省  
事二人以無職事朝官充雖有六尚局名別而事存  
凡官隨局而移而領於本省而殿中監視祕監為寄  
祿官而已又續編載張誠一嘗請於內侍為殿中  
省官神宗不可或謂蓋不欲外官與宦官同意或然  
歟蓋唐六尚之職今多屬宦者大抵元豐更制武官  
及內侍皆未暇及非獨此也崇甯監少丞亦用  
文臣惟六尚乃用宦者北司之盛此亦一端  
又云內侍郝隨復以修內司進用於是繕修大內及  
諸司庶府景靈宮工役大作案陳次升謚論集有奏  
彈郝隨復進三官狀攷次升於元九年九月前已貶  
此年正月除名郝隨之進用當在元九年次升未貶之  
前此蓋為繕修事追書之也  
十朝綱要又書於下月戊戌  
三月案紀事本末卷百二十四注云二乙酉講議司言  
諸路州學生以前舉終場人數二百人以上以一百人  
為額數少者以二州或三州併附一州聚學今聚學尚  
有不及二百人之處即於法未有定額欲將所併聚學

并舊有教授不及二百人之處聽以前舉終場三分之

二立爲定額其上舍內舍及撥定人並視一百人之額

隨數減定案文獻通考卷四十六云縣學則裁其見籍率三而汰一從之紀事本末

六又卷百三十二 詔應元祐及元符之末黨人親子弟不論

有官無官竝令在外居住不得擅到闕下令開封廂界

各據地分覺察如當職官知而不糾或不用心探緝遂

致容隱別因事敗露者竝重行黜責其應緣趨附黨人

罷任在外指射差遣及得罪停替臣僚竝依黨人子弟

施行紀事本末卷一百二十一

辛卯朝奉郎管句玉隆觀黃庭堅除名勒停送宜州編

管以湖北轉運判官陳舉奏庭堅撰荆南承天院碑語

言涉謗訕也紀事本末卷百二十一原注本傳云采摭

其間數語以爲幸災此碑今不傳案編年

廣西通志卷一百二十一 七

備要載碑記較續宋編年通鑑所錄爲詳其文略曰備  
者嘗論一佛寺之費蓋中民萬家產也實生民穀帛之  
蠹雖余亦謂之然自余省事以來以觀天下財力屈  
竭之端國家無大軍旅勤民之共業盈虛有數非大  
疾疫遠數十州此豈生民之共業盈虛有數非大  
能勝者邪然天下之善人少而不善常多王者之刑賞  
以治其外佛者之禍福以治其內則於世教豈小補哉  
而儒者常欲合而軋之是何理也又名臣言行錄云  
承天寺僧爲先生乞塔記文成書碑尾但書作記者  
黃某立石者馬某陳舉前請曰某願託名不朽趙挺之  
生不答舉由此憾之舉知先生昔在河北與趙挺之有  
怨廷之執政遂以墨本上之謂幸災謗國除名勒停爵  
州管宜

庚子詔劉混康肅恭祀事達於上境自春以來時雨未  
降朕甚憂之當體至懷精加禱請所建殿宇賜名天甯

萬壽

紀事本末卷二十七

癸卯詔知河州王厚權管句熙河蘭會路經略司職事

紀事本末卷百三十九

續宋編年資治通鑑云三月親試舉人賜霍端友以  
下五百餘人及第有差案宋史本紀三月癸卯賜進  
士及第出身五百三十八人治英殿試乃賜霍端  
上合格進士李階等丁亥御集楊時汪藻王次翁等  
友蔡佃宇文粹中王賞彭俊民寶汪伯彥張守等以  
庚劉湜史汝土任稼孟庚子居陳確甥也時守等以  
下五百三十八人階深之子而陳確也時守等以  
安忱對策言使黨人階深之子而陳確也時守等以  
下遂奪階出身而賜忱第忱南官編年備要云又  
黃定等十人皆上書第忱等上書第忱南官編年備要云又  
攻朕短可也神宗哲宗何負於卿等亦故黜之曰卿等  
大觀四年赦竝與改官通鑑編云其嘗上書在正  
等者升甲卯等者黜之蔡京請之也葉夢得石林燕  
語云熙甯初改經義取士興建太學詭崇簡罷利秋  
賦每勝魁南省皆迭爲得失始余中勝邵剛魁得次  
徐驛勝余餘時彥勝黃中魁得次黃裳勝侯緩落  
惟焦蹈勝肉直夫落差一勝次七勝李常窰畢漸李  
釜蔡蕤勝勝章綜李樸蔡靖陳寶林皆得馬涓何昌言  
霍端友勝勝元量王瞻陳寶林皆得馬涓何昌言  
差一人亦何怪也時謂之雄雌解元  
又云復市易務抵當庫  
案十朝綱要係癸卯日

四月

是月己酉朔

考

癸丑張商英爲尙書左丞

紀事本末卷百

夏台監是局合直

考

紀事本末卷百

紀事本末卷百

三十一  
宋史俱繁於戊寅

丁巳詔焚毀蘇軾東坡集并後集印板

紀事本末卷百二十一原注臣

僚上言當考姓名明著之只云從某人之言即可不失事實其言不須具載詔旨有之案天曾能改齋漫錄卷十一云崇甯二年有旨天下碑碣勝額係東坡書撰者竝一例除毀蓋本於淮南西路提點刑獄霍英所請當

與此同時事也

戊午詔提舉司每路教授及十人以上者歲舉改官增

三人不及者一人不許舉他官有能訓導學生中太學

上舍數及八分者提舉學事官保明以聞國子監驗實

依太學博士正錄法改官

紀事本末卷百二十六

癸亥講議司乞下諸路茶場具開場以來商旅所納錢

數申國用房從之

紀事本末卷百三十二

甲子詔付王厚委汝以招納青唐事措置施設蕃中情

偽如何審量羌人誠心向化有無端緒已上設施方略

應酬對荅語言竝仰具確實事狀奏來紀事本末卷百三十九

戊辰詔應自元祐以來將元豐熙甯臣僚責降及自元

符三年責降紹聖元符臣僚除已降指揮牽復外其合

得恩數有尙拘存亡之限仰吏部勘會元非犯賊罪看

詳指實計其合得官除俸給外不以存亡並特與給還

應見貶謫命官除元祐姦臣及到貶所未及年外未量

移者與量移應合敘用人依該非次赦恩與敘紀事本末卷百

二十一

己巳童貫至熙州紀事本末卷百三十九原注此據王

狀則云貫五月至熙州按此月二十四日奏若據申密院功

貫往河州五月十五日申密院功狀云必功狀誤也王

厚三年六月二十四日申密院功狀云必功狀誤也王

四日至熙州體問得元符棄地之後諸羌因我城壘聚

惺整備結集兵眾以爲固守之計又瀋州境內巴金  
當把抄宗等處形勢險阨自來多言差鄴難復得一夫  
當之萬眾莫前之說議者因以此離不一互相窺伺必  
守然厚久已詳察其地若奉揚國威示以恩信必能  
能併力同心保其地不過一國威示以恩信必能  
解州日鎮撫境內亦不見其懷厚復來領帥各已欣  
聞通信願爲中國用者甚衆於是最遣親信人入說  
王端將官李忠亨等當招納巴最親信人入說  
論有解所結族多羅巴城王遵巴及羣農人深領羌  
駭用事者凡當多羅巴城王遵巴及羣農人深領羌  
出降各補授官爵給以財物使其黨歸廣布恩威相  
深在羌中爲凶黨各制不能自拔者亦往往陰送降  
姦猾彊悍之徒聞各懼聚眾自守者亦往往陰送降  
當節用兵出塞服申稟指期可集若稍猶濛變如此  
知節用兵出塞服申稟指期可集若稍猶濛變如此  
軍需糧仗屬及申稟指期可集若稍猶濛變如此  
及蘭州將士告舊遂請師是歲五月童貫至河州計  
傳語勞軍將士告舊遂請師是歲五月童貫至河州計  
熙州按厚自熙州如舊遂請師是歲五月童貫至河州計  
方此時厚自熙州如舊遂請師是歲五月童貫至河州計  
貫五乃至熙州如舊遂請師是歲五月童貫至河州計  
庚午詔國子監印書賜諸州縣學  
百二事本末卷

甲戌王厚奏臣體問得河南河北諸羌以大小隴拶爭國之故人心極不甯貼諸族首首互有猜忌遂以兵革更相侵掠殺戮其下人眾緣是愈更攜貳今來事機如此正所謂以夷狄攻夷狄乃中國之利臣見與童貫計議乘此從長措置及選委得力蕃部令同使臣李德慶前去篤丁計會緬什羅蒙送文字與大隴拶評泊事務才候起發別具奏聞又貼黃大隴拶雖累與郎阿章讎賽得勝終恐爲青唐吞併及慕漢家威德決有歸順之意其郎阿章亦以數敗內懷恐懼不安臣今與童貫并召高永年在此商量乘此機便前去措置但臣等稍似出界卽諸處疆梗酋豪當盡款服其閒或有說諭不從卽行翦戮庶幾一兩月便見大定伏乞聖慈詳察

本紀事未

卷百三十九

乙亥詔三蘇集及蘇門學士黃庭堅張耒晁補之秦觀  
及馬涓文集范祖禹唐鑑范鎮東齋記事劉攽詩話僧  
文瑩湘山野錄等印板悉行焚毀紀事本末卷百二十  
一又百二十二案百  
二十

二十二繫蘇黃張晁秦毀板事於崇甯三年正月蓋二  
年四月字之誤也今并書於此毀蘇軾東坡集已見上  
丁巳三蘇集當依十朝綱  
要改作蘇洵蘇轍四字

戊寅臣僚上言故宰相王珪遭遇神宗擢在政府凡十  
六年其所蒙被恩澤無與比倫逮神宗違豫至於大漸  
是宜早建儲君以定人心而乃遲疑顧望語及同列謂  
是他家事外庭不當管又密召高士充欲成其姦謀其  
爲悖逆前後臣僚言之甚詳云云伏望檢會元符三年  
後來指揮竝令改正依所得指揮施行詔王珪追贈官

并諡王仲端王仲薏竝放罷遺表恩例減半紀事本末

一案原本繫王珪程頤兩事於正月二十四日為甲辰宋史本紀書

正月中書侍郎之毀則正身文字於四月戊寅趙挺之

為係四月今從臣僚上言謹案通直郎致仕程頤學

皆移編於此後則正身文字於四月戊寅趙挺之

術頗僻素行譎怪專以詭異聾瞽愚俗頃在元祐中因

姦黨薦引朝廷遂命以官勸講經筵則進迂闊不經之

論有輕視人主之意議法太學則專出私見以變亂神

考成憲為事詔程頤追毀出身以來文字除名其入山

所著書令本路監司常切覺察紀事本末卷百二十一

頤年備要云言者謂頤學術頗僻素行譎誕紹聖中雖

當明正辜罰而元符之末敘復過優尚以通籍致仕田

野出處自如朝廷有甚大政令則其人更相迭和指而議

之毀壞風俗莫此為甚訪聞本人野史小說之類妄書為

名未悉所著書是何等文字竊如野史小說之類妄書為

名未悉所著書是何等文字竊如野史小說之類妄書為

名未悉所著書是何等文字竊如野史小說之類妄書為

名未悉所著書是何等文字竊如野史小說之類妄書為

朝政欺惑天下後世不可不察除名所著書令監司  
嚴切覺察舉氏績通鑑云范致虛又言頤以邪說該行  
或亂眾聽而尹焞張繹為之羽翼乞下河南盡逐學徒  
可矣不運居龍門之南止四方學者日尊所聞行所知  
及吾門也

續宋編年資治通鑑云四月更鹽法案十朝綱要云  
是月始更鹽鈔法九朝編年備要云蔡京為新法鹽  
鈔以通泰煮海號東南北及畿甸諸處而畿甸諸處舊  
號東也今以東北鹽池之而解鹽獨行於陝西與河  
東是也西鈔多滯兩池天產殆與土壤俱積而錢鈔  
至郡又為推貨務所阻故諸路軍鹽價  
皆增長乞立賞禁人肩動鈔法詔從之

五月案錢氏朔閏考庚辰戶部言提舉學事司乞州縣  
學之費通一路財用應副學司獻通考卷四十六云提  
仍行部稿試文檢括當否生員嘗從之紀事本末卷  
試公私試雖不中亦復其身勿事從之百二十六

丙戌刑部大理寺以開封府勘鞫曾布之妻魏氏并子  
紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

紆練等交通請求具獄來上三省檢會臣僚上言竊見

開封府根治曾紆等取受賂遺干求差遣等公事稱曾

紆計贓二千五十三貫曾布并妻悅而罷翌日言者交

攻布由是得罪紀事本末卷百三十一案宋史本紀是日

續長編文責授事在下月辛酉云魏氏計贓一千九百

三貫曾操計一百四十六貫五碩計二十三貫合計之

爲二千七十二貫與此數不合當有字誤

戊子詔不置教授州軍置學處學生以百人爲額紀事本末

甲午詔頒梁安國等二十二人昨上書謗訕節文云云

案十朝綱要繫之辛卯又詔竇文閣直學士左中散

大夫知應天府路昌衡落職提舉明道宮朝散大夫直

祕閣管句太極觀張恕落直祕閣降授朝奉大夫添差

監高郵軍酒務朝請郎管句鴻慶宮楊瓌寶降授朝奉

監高郵軍酒務朝請郎管句鴻慶宮楊瓌寶降授朝奉

郎添差監宿州鹽酒稅降授朝奉議郎權發遣華州陳  
并降授承事郎添差監漣水軍鹽茶酒稅降授宣德郎  
新差僉書秀州判官事周錡降授承務郎添差監泉州  
茶鹽稅朝散郎管句崇禧觀蕭元降授承議郎添差監  
漳州鹽稅右朝散大夫管句崇福宮趙越降授朝散大  
夫添差監無爲軍鹽酒稅丁憂人前承議郎倪直孺降  
授宣德郎添差監南劍州鹽稅朝奉郎滕友特降授奉  
議郎添差監泗州鹽稅梁安國何大受蘇迥檀固王箴  
竝勒停永不收敘安國齊州大受襄州迥華州固湖州  
箴通州竝羈管鄧允中梁俊民江恂陸表民方适竝特  
衝替私罪事理重永不得改官葉世英追奪元授假承  
務郎劉經國前死故不及責

紀事本末卷百二十一原  
注安國等五人允中等六

人及世英經國竝不見所居官當攻此十三人本末具

載之實錄但載路昌衡等二十二文多錯字今據崇甯三

竝削去今復具載於前案原文碑作江洵茲年十二月

年六月改黨人碑校正江洵與者亦作江洵與此文同

丁巳詔改臣僚姓名與姦僚邪下有江洵與黨人碑

元年九月乙未所開元符臣僚邪下有江洵與黨人碑

引實錄亦云路昌衡等二十二梁安國等二十二載祇有二十

祇五人蓋此處脫書一人也

丙申講議司言兩川以坊場錢歲數萬緡朝廷撥充陝

西常平許商旅於沿邊納錢兌便每一千加三百以饒

商旅看詳陝西鐵錢太輕若復加饒則為太優詔罷加

饒紀事本末卷百三十二案宋史席旦傳旦知成都府

司冀廉羨為之益多使其不敢信帝曰朕為卿損數百

萬虛券而別給緡錢與本業可乎對曰陛下幸加惠遠

民不愛重費以救敝法此古聖

王用也自是錢引稍仍故

甲辰改杭州安樂坊曰安濟

續長編卷四百三十五注

杭州安樂坊蘇軾所建

續長編卷四百三十五注

杭州安樂坊蘇軾所建

軾以杭州水陸之會因疫病死比他處常多乃哀集羨  
緡得二千貫復發私棄得金五十兩以作坊名曰安  
樂事在元祐四年十一月原注云崇寧二年五月二十  
日改名安濟據錢氏朔閏考是月己卯朔二十六日甲

辰也

是月姚雄自華州觀察使降復州防禦使百紀事本末卷

案注云在五

月未無日

續宋編年資治通鑑云五月廢內侍奇資法案十朝  
綱要係在內庭只許暗裏資給恩數俸料竝未該受  
供奉官資轉出方正授以所寄之官今直轉正官不  
謂之奇裏只於官上冠以內寄之官若內侍省字恩  
用奇裏皆得之此乃蔡京嬖近習變亂法度之大者  
數俸給等官亦此意也又按仁宗朝因趙彜之請  
下改都知等官出外而特留者毋得累寄所遷資序  
詔御藥院當轉出英宗朝論班祖宗之制句當御藥院  
司馬光呂誨於英宗殿崇班則出近歲居此皆暗  
常用供奉官以下內殿崇班則出近歲居此皆暗  
裏官資食其廩祿非祖宗本意則知寄資已足是弊法  
况可盡廢之乎是月又改都知為僉書知入內侍省事  
押班為僉書知

又云鑄當五錢案十朝綱要辛卯日鑄上亦當依  
得要補詔江池饒建州六字九朝編年備要云去冬  
令陝西鑄折五銅錢至是戶部尚書吳居厚言江池  
饒建四監歲鑄緡錢一百三十餘萬近年少欲別  
定勸沮之格詔從之又令江池饒建舒陞鄂八州  
將每年上供小平錢給減萬數入料例鑄當五大  
錢以聖宋通貨爲文其背鑄當五二字據宋史食貨  
志鑄當五大銅錢以聖宋通貨爲文所鑄小平錢增料  
改鑄當五大銅錢以聖宋通貨爲文所鑄小平錢增料  
衡鄂錢監用陝西式鑄折十錢是當五錢惟江池饒  
建四州鑄之舒陞鄂只鑄當十錢也今檢紀事本  
末於二月書鑄當十錢於此略之三年正月戊子書  
詔罷鑄當五錢改鑄當十錢於此略之三年正月戊子書  
蓋有脫文故致前後不相蒙錢

六月是月戊申朔丙辰詔縣學生不及二十人處許

依州學例併附鄰近大縣一處敦養紀事本末卷

辛酉臣僚上言曾布妻魏氏計贓一千九百三貫曾繰

計一百四十六貫五碩計二十三貫及各有銀數謹按

布身爲宰相受國重恩當明天子在上不務盡公守法

以報朝廷而敢受賂狼籍研窮有狀欲望詳酌特降睿  
旨施行以戒爲臣之貪者詔竝依大理寺所斷刑名特  
不以近降赦原責授賀州別駕衡州安置曾布授廉州  
司戶參軍依舊衡州安置勒停人前承議郎曾紆特送  
永州編管承奉郎曾綽除名紀事本末卷百三十案原  
蓋六字之譌以八月丁未朔詔已有除曾布已責廉州  
司戶參軍衡州安置外之文則曾布之責必在八月丙前  
矣十朝綱要繫於五月癸未宋史本紀繫於五月丙戌  
據續長編前月開封府勘鞫具獄來上翌日言者交攻  
布由是得學而責授又在是月辛酉特非八月耳十朝  
綱要云凡交通之人自胡宗回米芾以下責授有差

王厚童貫發熙州初厚與貫會諸將部分軍事諸將  
皆欲併兵直趨湟中厚曰賊恃巴金把抄之險挾大河  
之阻分兵死守以抗我師若進戰未克青唐諸部之兵  
繼至夏案夏原本作憂誤茲據舉沅續通鑑校賊必爲之援非小敵也不

若分兵爲二南道出安鄉衝其前北道出京玉擣其後  
賊腹背受敵勢不能支破之必矣貫猶未決厚曰他日  
身到其地計之熟矣願毋過疑遂以岷州將高永年爲  
統制官權知蘭州姚師閔佐之及管句招納王端等率  
蘭岷州通遠軍漢蕃兵馬二萬案東都事略王韶傳作  
三萬厚亦以兵三萬出  
安鄉朱史高永年傳作二萬出京玉關厚與貫親領大軍出安鄉關

渡大河上巴金嶺

紀事本末卷百三十九原注此據厚

申密院功狀修入汪藻青唐錄六月

厚貫發總領蕃兵將官高永年蕃兵將官李忠熙州將  
辛叔詹河州將辛叔獻蘭州將辛姚師閔劉仲武通遠  
軍潘逢王用及王亨黨萬等提兵分道竝進谿巴溫谿  
除羅撒誘羣羌旅拒我師我師稍衄不能前明日休谿  
鼓欽獎等五大捷遂闡皇州部族漆令等二十一族大首  
領欽除羅撒遁去收復湟州并通川堡通湟寨省章峽  
溫谿除羅撒遁去收復湟州并通川堡通湟寨省章峽  
口堡安隴寨甯洮州當城甯川堡通湟寨省章峽  
十餘所案原注高永年李忠熙稱將官對蕃兵言之也熙  
州將辛叔詹河州將辛叔獻二卒字似宜作辛十一月

乙酉骨延嶺之敗云諸將卒叔詹卒叔獻皆爲賊所傷卽是人也蘭州將卒字似衍潘達後作潘達

癸亥王厚次河州

紀事本末卷百三十九

甲子王厚次安鄉關童貫率統領官李忠等以前軍趨巴金城舊名安川堡在巴金嶺上多羅巴使其三子長曰阿令結次曰厮鐸麻令次曰阿蒙率眾拒守城據岡阜四面皆天塹深不可測道路險狹我師至望見城門不閉偏將辛案原本亦作辛茲據畢沅續通鑑改叔詹安永國等爭先入賊出兵迎擊師少卻安永國墮天塹死叔詹等馳還幾爲所敗會雨各收軍而止童貫遣其麾下告厚使數騎馳戒李忠曰日旣暮矣善自守明日大軍至當爲諸軍破賊翼日乙丑賊以大眾背城而陳埤閒建旗鳴鼓將決戰復有疑兵據高阜張兩翼會厚以軍至賊望見

氣沮其酋長又往來城下部勒其眾厚乘高列大帥旗  
幟示之遣人諭以恩信開示禍福數返阿令結曰吾父  
今夕當至正好相殺其弟亦不肯降語益不遜遂命諸  
將布陣攻城賊力戰拒險我軍不能過天塹厚親至陳  
前督彊弩射之賊少卻別遣偏將鄒勝率精騎由間道  
繚出其背賊大驚因鼓之諸軍四面奮擊殺阿令結廝  
鐸麻令於陣其幼弟阿蒙流矢中目貫腦遁去多羅巴  
率眾來援聞敗亦遁去日未中大破賊眾凡斬首二百  
一十三禽九十八人降者五百餘戶遂克其城賊恃巴  
金之險以一戰勝不踰刻而敗軍威大震遠近爭降附  
厚誅彊悍首領數百人入據其城遣高永年引兵萬餘  
出京玉關

紀事本末卷百三十九原注此處用厚申密院功狀修入十九日王厚奏臣今月十四日

再親父穴根漢哥蒙去所令兄成州下略巴城入心順哥堡帥  
三出子皆逐兵遂始初鐸結弟安須城行父與滄仕首堡舊領  
說漢公優爲今禦潛本阿羅二率出城尋令將餘黨子爲擾之眾昨來廢棄  
論公致令兵所聞漢兵既誅阿令結處等其令得力人散行爲履阿  
令參告阿部族不莫不歡悅令結等其令得力人散行爲履阿  
安心阿部族不莫不歡悅令結等其令得力人散行爲履阿  
婦邪族不莫不歡悅令結等其令得力人散行爲履阿  
族住坐除多羅巴賈走見根逐外  
知東心住稱自來只被多羅巴  
東心住稱自來只被多羅巴  
心住稱自來只被多羅巴  
住稱自來只被多羅巴  
稱自來只被多羅巴  
自來只被多羅巴  
來只被多羅巴  
只被多羅巴  
被多羅巴  
多羅巴  
羅巴  
巴  
賈  
走  
見  
根  
逐  
外

阿令結等既已諫死眾心無不悅服大軍沿路經山進  
軍地分遂無纖毫驚虞及令權知河州李忠帶領本將  
人馬照舊前軍家復修築合行措置事節與童貫申  
其餘將卒前月二去收復王厚奏臣契勘自奉朝旨措置所  
陳次蓄部族以遠近羌眾相歸款遂為青唐酋長所  
納西蕃部族以遠近羌眾相歸款遂為青唐酋長所  
知羌多羅巴等據守并六心歸宗在巴金嶺之南傍有通  
降羌里多羅巴等據守并六心歸宗在巴金嶺之南傍有通  
十餘里六心歸宗在巴金嶺之南傍有通  
道御宿平易臣谿丁等據守并六心歸宗在巴金嶺之南傍有通  
嶺進次曠哥其城與拒守之親人將有餘眾開門上巴金  
敵官軍羅巴男阿結斫麻令諸將射奪險要數路悉  
遂斬多羅巴男阿結斫麻令諸將射奪險要數路悉  
仍斬疆捍首領數百人然後麻令諸將射奪險要數路悉  
降順即時說論遣高永年引兵萬餘人住城今射奪險要數路悉  
措置臣止遣高永年引兵萬餘人住城今射奪險要數路悉  
而六心結等族首領不能固守把邊大軍已破廬哥堡  
誅阿令結等族首領不能固守把邊大軍已破廬哥堡  
高永年一行馬已乘勢進至把邊大軍已破廬哥堡  
前進與高永年會合所有廳哥獲三捷已具奏聞去訖據  
厚所稱高永年會合所有廳哥獲三捷已具奏聞去訖據  
遑水南旁有通嶺相卸平易之  
條所記鐵嶺子嶺相卸平易之

臣等謹將此項

臣等謹將此項

十一

乙丑詔付王厚近據爾等奏已卜此月十四日統率兵  
眾出塞應接未委大軍登陟進途次第節目所至去處  
及沿邊逢迎歸順蕃族多寡人情向慕如何更宜遵依  
累降丁寧處分上體朝廷委曲誠諭之意慎勿輕易廢  
率不顧利害落賊姦便惟在穩審從長措置多方招納  
是早得撫定一方乃紓西顧之憂紀事本末卷百三十  
乃六月十八所降詔也厚六月二十六日奏爲奉御前  
處分令穩審措置即此十八日詔也十八日發下二十  
六日奏上遞角大率

丙寅王厚進軍次瓦吹舊名甯洮寨高永年等進據把

撈宗城

紀事本末卷  
百三十九

丁卯初巴金之戰有射阿蒙中其目者拔矢而遁道遇  
其父多羅巴引眾來援告之曰兵大敗二兄皆死我亦

重傷漢家已入巴金城矣父子相持慟哭恐追騎及偕  
馳而去至虜當城所居附順者張心白旂甚眾復懼見  
禽踰城奔青唐虜當亦險要之地與忽都城青丹谷相  
連間可抵鄯廓其東卽甯川等處異時叛羌竊據多出  
斷道爲湟州大患至是多羅巴餘黨猶盛王厚慮其或  
掎我軍後是日大軍留甯洮厚與童貫率李忠等將輕  
騎二千餘人趨虜當破不順部族焚其巢穴臨大河據  
險得古城之北命李忠及黨萬率眾築而守之後賜名

來賓城卽日還甯洮

紀事本末卷百三十九

戊辰進下隴朱黑城隴朱黑城舊名安隴寨分兵據新

舊各城

紀事本末卷百三十九

己巳進至湟州會別將高永年等軍於城東坂上先是

永年等既出京玉關以乙丑

原注六月十八日

收復通川堡羌

賊拒把撈宗之險前鋒王亨劉仲武等諭之不肯下賊

黨有謀內應者永年間之率大眾赴之力戰奪其險殺

獲甚眾內應者見我師得利皆爭倒戈賊大奔潰遂克

羅瓦抹逋城羅瓦抹逋城舊名通湟寨越三日

原注即二十一日

辰日永年等先至湟州陳於東坂之上城中賊酋望見

師少有輕我心謀以翼日奇兵擊破之會厚大軍至賊

不敢發是日諸將各率所部列旂幟鳴鐘鼓環城遣人

約降其大首領丹波禿令結盡拘城中欲降者據城不

下厚與童貫引中軍登城南山視城中盡見其戰守之

備分遣諸將各據一面攻城賊援力兵自城北宗水橋

上繼至勢益張日暮諸將有言賊得援力生我師攻戰

久已罷請暫休士卒徐圖之厚與貫曰大軍深入至此是爲死地不急破其城青唐王子引大眾來援據橋而守未易以旬日勝也形見勢屈將安歸乎諸將不以計取願欲自便豈計之得邪敢再言者斬於是諸將各用命死士乘城賊以石縱擊垂至堞而墜奮復上者不可勝數鼓四合晝夜不絕聲矢下如雨城中負盾而立槍動賊皆掩耳號呼

紀事本末卷百三十九

庚午別遣驍將王用率精騎出賊不意亂宗水上流擊破援兵絕其路乘勝奪水寨初元符閒築城宗水之北以護橋至是賊據守之有蕃將包厚緣城而上搗搶擊賊引眾踰入城退保橋南厚開其門王用因以其眾入據橋城而戰賊勢猶未沮遂火其橋中夜如晝諸將乘

火光盡力攻城賊不能支大首領蘇南抹命咄潛遣人  
縋城送款請爲內應許之是夜王亨奪水門入與其摩  
下登西城而呼曰得湟州矣諸軍鼓噪而進丹波禿令  
結以數十騎由西門遁去紀事本末卷

辛未黎明大軍入湟州假承年知州事完其城而守之

攻凡三日斬首八百六十四生禽四十一人臨陣降者

一百八十三人前後招納湟州境內漆令等族大首領

潘羅谿兼籤七百五十人管戶十萬厚具捷書以聞紀事

本末卷百三十九原注此皆用王厚奏契勘節次被

受御劄處分及樞密院劄子指揮招納西蕃部族仍專

一措置邊防事務臣謹遵依聖訓統帥將兵前去新邊

應接降羌經畫故地已於六月十七日親率大軍分兩

道渡黃河出安鄉京玉二關所過城寨部族逐一宣揚

朝廷恩信人人撫接務盡歡心先有大首領樊迎降樊

上當有令字下文臣等乘機徑至邈川城下會合高永

云大首領令樊等年北路人馬有青唐遣到大首領丹波禿令結等劫眾

據城抗守臣與諸將攻拔其城至二十四日丑時臣與

童貫及諸將官屬收復湟州尋分兵屯守要害堡寨仍

召已降酋長厚加犒勞各遣歸族撫輯蕃部安心住坐

並無驚擾所有新邊一行事務見行區處略已貼定其

收復湟州境內地里戶口謹具畫一數目如後須至奏

聞者一收復湟州并管下城寨周圍邊面地里其約一

千五百餘里東至黃河蘭州京玉關西至省章峽宗奇

界次西至廓州黃河界南至河州界北至夏國蓋朱界

續資治通鑑長編拾補卷二十一

一收復湟州并管下城寨一十所通川堡通湟寨首章  
寨峽口堡安隴寨甯洮寨亂當城甯川堡安川堡南宗  
堡一招納到湟州管下部族并戶口大首領滕令等二  
十一族戶口約十餘萬計大首領令奘等五十餘人小  
首領把班等四百餘人臣檢會自奉朝旨措置招納以  
來至今纔及數月一方邊事已見成效此皆聖算幽微  
動達機變致邊臣遵依從事舉無遺策仍以溫厚恩信  
普加安恤故羌胡異俗悉皆向化莫不舉種內附願爲  
漢民今湟州一境土壤膏腴實宜菽麥控臨西夏制其  
死命前世所欲必復之地今仍一舉得之此緣朝廷威  
靈誕施無外是使臣等得措微力其濟大功所有新降  
首領已依元降等第支給例物補授官爵其下戶口人

眾亦差委使臣蕃官遍加撫存務令安靜所有逐處賊寨見行相度緊慢團結兵夫節次修定去訖謹具捷奏以聞又貼黃今來再行收復湟州并管下城寨諸羌降附兵不血刃自古無有聖德所及千古盛事伏乞宣撫三省樞密院施行

紀事本末卷百二十九

甲戌王厚奏今月二十六日準御前劄子稱知爾近已統率兵將出寨安鄉京玉與夏國青唐等接境慮師出之後主帥遠離內地賊人窺伺閒隙忽來侵犯兩關乘勢奔衝越河作過可疾速差那得力將副軍兵在彼守把仍嚴行戒飭須管寅夜明遠斥堠多作提備勿使少落賊姦便以挫折國威者臣契勘自大軍離熙州日首遣將官沈言帶領人馬屯守京玉關照應夏國窺伺邊

面又差將官劉成陳迪引兵赴安鄉關駐劄照應西蕃  
河南疆梗部族仍令成等常切輪往南川寨巡綽邊面  
覺察姦寇今來臣等既已收復湟州及管下城寨蕃部  
各已安貼詳今兩關邊面皆在湟州之裏離落完固臣  
雖居外必保無虞兼臣亦自丁甯沈言等詳審探伺過  
爲提備去訖伏望聖慈時寬過慮初湟州未克青唐王  
子谿賒羅撒率眾來援過安兒峽聞城破遂次宗哥城  
以丹波禿令結不能守斬之以徇時論者皆欲席卷而  
西王厚與童貫及諸將議曰湟州雖下形勢未固新附  
之人或持兩端青唐餘燼尙彊未肯望風束手我師徃  
於新捷其實已罷若會利深入戰有勝負後患必生歲  
將秋矣塞外苦寒正使遂得青唐諸城未可興築若不

暴師勞費則必自引而歸玩敵致寇非萬全之策往年大軍之舉事忽中變正以此耳湟州境內要害有三其一曰虬當在州之南前已城之矣其二曰省章在州之西正爲青唐往來咽喉之地漢世謂之湟峽唐人嘗修問道刻石記其事地極險阻若不城之異日兵出賊必乘閒斷我歸路其三曰南宗寨在州之北距夏國卓羅右廂監軍司百里而近夏人交構諸羌易生邊患今若城之可以控制況此三地正據鄯湟腰背控制之利可斷首尾之患厚在元符閒已嘗建論不從竟致棄地之事覆車之轍何可復蹈且三城旣畢湟境遂固降者悉爲吾用地利可佐軍儲形勢所臨威聲自遠益加招撫則降眾必多此支解虜之術也明年乘機一舉大功必

成或謂厚曰朝廷之意必欲亟定青唐從而有功必受重賞違之且得罪厚曰忠臣之誼知體國耳違他郵乎遂以是日甲戌移軍趨省章東峽之西得便地曰灑金平建五百步城一座後賜名曰綏遠關大軍駐關中谿賒羅撒尙在宗哥遣其大首領奔巴令阿昆等五輩將蕃書案畢沅續通鑑作五輩持蕃書詣軍門請保渴驢嶺以西而和書詞每至益卑時軍中已定議保完湟境來春進取且欲懈賊鬪志使不爲備於是以便宜聽所請移書張示威

信賊中大震關城畢工

紀事本末卷九

乙亥

案元本作己亥攷六月戊申朔無己亥日以原注附屬哥堡捷奏十日後推之捷奏在月之十八日

乙丑後十日當爲乙亥月之二十八日也

詔付王厚據童貫六月十八日奏

麗哥堡有不順多羅巴男阿令結主管遂以大兵拒敵

廣施智勇攻破本堡斬多羅巴男阿令結并親屬部族  
捷報事者委爾措畫撫納而小醜敢不恭順統師纜出  
忽成大功傑酋既除一方綏靜撫定必見有期蓋出爾  
良謀朝廷有賴坐觀能策朕甚嘉焉可速具的確得功  
將兵人數開析聞奏以錫恩賞均宜多方經營更在穩  
審慎勿恃其勝氣不顧利害輒生輕易竊略致少減威  
遠之體落賊姦便

紀事本末卷百三十九原注厚被此  
詔不見月日今約時附麗哥保捷奏

後十日

續宋編年資治通鑑云六月中太一  
宮火案十朝綱要書於月末亦不日

續資治通鑑長編拾補卷二十一